

Scifo, Belgika berpizteko

*Mexikok aurrera egingo
luke gaur irabaziz gero*

Gorka Zabaleta

BELGIKA eta Mexiko helburu berarekin zelairatuko dira gaur Bordeleko Lescures estadioan, baina premia ezberdinekin. Mexikok final-zortzirenatarako txartela bilatuko du, hiru puntuak bereganatuz gero aurrera egingo baitute hego amerikarrek. Belgikak, berriz, ezin du galdu Mundialean jarraitzeko ia aukera guztiak agortu nahi ez baditu. Horregatik, Georges Leekens hautatzaile belgikarrak erasora jokatu du dutela iragarri du. Holandaren aurka Belgikak joko zekena egin zuen, ez zuen erasoan batere arriskatu, eta izan zituen aukera apurrak kontraerasoan izan ziren. Eta, hala ere, puntu bat atera zuten. Leekensek badaki Holandaren aurka eginiko jokoak ez duela gaur Mexikori aurre egiteko balio. Mexikok ez du printzipioz erasora ateratzeko beharrik. Belgikaren esku utziko dute baloia jokatzeko ardura, eta kontraerasoan min egiten saiatuko dira. Hortaz, Belgikari jokoa sortzeko gai diren jokalariek zelairatzea baino ez zaio falta.

© Scifo hamaikakora itzuliko da

Behar horiei aurre egiteko Leekensek oraindik ez du Enzo Scifo



Denis Doyle / AP

baino jokalaria aproposagorik aurkitu. Jokalaria beteranoak Philippe Climent erdilariaren tokia hartuko du, Belgikako eraso indartzeko. Sciforentzat laugarren mundiala da Frantziakoa. Sciforen aurretik, Marc Wilmots, Luc Nilis eta Luis Oliveira kokatu ditu Leekensek. Baina ez da Scifo nobedade bakarra, atzeal-

dean Mike Verstraetenek Jordan Vidovic zentralaren ordezkari jokatu baitu.

Mexikok egoera erosoagoan ekingo dio partiduari, baina ezin du lasaiegi hartu kontuan izanik azken jardunaldian Holandaren aurka jokatu beharko duela. Hori bai, Hego Korearen aurka lorturiko hiru puntuak atzealdea gehia-

go babesteko aukera ematen diote Manuel Lapuenter. Hautatzaile mexikarrak Jesus Arellano zelairatuko du erdialdean Ordialdearen ordezkari atzealdea sendotzeko.

Mexikok hiru puntuak lortzen baditu gaurko neurketan, hurrengo fasera sailkatzea lortuko luke.

Ricardo Pelaez eta Luis Hernandez, Mexikok Hego Koreari aurreko partiduan sartutako goletako bat ospatzen.



Vieri: «Nire obligazioa da golak egitea»

Italiarrak esan du ez dagoela itsututa golegile nagusia izatearekin

CHRISTIAN VIERI aurrelari italiarra da Mundialeko hasierako izarretako bat, lehen bi partiduetan hiru gol sartu dituelako: lehen gola Txileri egin zion, eta ondoren go biak Kameruni. «Kontent nago, eta lasai ere bai; izan ere, nire obligazioa da golak egitea, eta oraingoz behintzat ari naiz sartzen, eta horregatik nago lasai. Sasoi onean nago».

Dena den, ez omen da bere helburu nagusia Mundialeko golegile nagusia izatea. «Italiak ondo jokatzeko jarraitzea eta irabazten segitzea da nire helburu garrantzitsua. Gero ni neu naizela txapelketako golegilerik onena? Ba, ezin hobeto, baina ez banaiz ere ez da ezer gertatuko».

Marcelo Salas aurrelari txiletarrak eta Thierry Henry aurrelari frantziarrak ere hiruna gol sartu dituzte lehendabiziko bi neurketetan, eta biak ere «jokalaria oso onak» direla esan zuen atzo Vierik. «Lazirik diru asko ordaindu du Salas fitxatu ahal izateko, baina dudarik ez dago oso fitxaketa ona egin duela».

© Italia, Brasil sailhestu nahian

Lau puntu lortu ditu Italiak orain arte, eta, Vieriren ustez, oso garrantzitsua izango da bere selekzioak multzoko lehen tokian bukatzea. «Lehen jardunaldian Txileren kontra 2-2 egin genuen eta Italian kritika ez oso justuak egin zizkiguten. Gero eskerak irabazi egin genion Kameruni, eta horrek lasaitasuna eman digu. Orain Austriari irabaziz gero multzoko lehenak izango gara, eta horrela Brasil sailhestuko dugu final-zortzirenatan. Oso garrantzitsua izango da hori. Brasil baita Mundialeko faberito nagusia, eta hartara oso urrutiko helizetako moduan izango gara».

Une hauetan aulkian dago Alessandro Del Piero aurrelari italiarra, ondo ari baita jokatzen Roberto Baggio beteranoa. Horrek eztabaida bizia sortu du Italia aldean, baina Vierik ez du hor sartu nahi: «Biak dira jokakari bikainak, eta erraza da haiekin jokatzea».

Vieriz gain, Ronaldo eta Gabriel Batistuta dira Mundialeko beste bi aurrelari onenak. Txapelketako jokalaririk onena Ronaldo dela esan zuen Vierik, eta Batistutaz ere oroitzen da oraindik ere.

Holandak hiru puntuak behar ditu

Bergkampen hasieratik jokatu du Hego Korearen aurka

E. Esnaola

HOLANDA da faboritoa E multzoan, baina lehen egunean huts egin ostean —hutsean berdindu zuen Belgikarekin—, gaur hiru puntuak behar ditu badaezpada. Lortzeko moduan da, aurkari Hego Korea pattala izango baitu.

Holandan ez da ariko Patrick Kluivert, txartel gorria ateratu ziotelako lehen partiduan, baina Dennis Bergkamp erdi-punta

bete-betean da jada, eta Guus Hiddinkek titular aterako du. Baliteke Ronald de Boer izatea Kluiverten ordezkaria; zelai erditik aurre-aurrera pasatuko litzateke hartara Ronald de Boer.

Hego Korea selekzio apala da, baina ez du deus baztertzen. «Partidua irabaz dezakegu. Berdinketa ere ez litzateke txarra, sailkatzeko aukera izaten segituko genukeelako», esan du Bun Kun Cha hautatzaileak.

